

四庫全書

史部

欽定四庫全書

史部

禮部志稿卷十八

詳校官編修臣黃壽齡

編修臣程嘉謨覆勘

總校官知縣臣楊懋珩

校對官中書臣張曾效

謄錄監生臣趙廷璋

欽定四庫全書

禮部志稿卷十八

明 俞汝楫 編

儀制司職掌

冠服

國朝上下冠服具載大明集禮及諸司職掌嘉靖初  
又釐正衮冕及朝祭等服而武弁燕弁保和忠靜等  
冠服特出創制今備列焉

皇帝冕服

衮冕

凡祭天地宗廟及正旦冬至聖節則服衮冕

見職掌

祭社

稷先農冊拜亦如之

見集禮

洪武十六年定 冕前圓後方玄表纁裏前後十二旒

每旒五采玉十二珠五采繅有十二就相去一寸紅絲

組為纓黼纁充耳玉簪導 衮玄衣黃裳十二章日月

星辰山龍華蟲六章織在衣宗彝藻火粉米黼黻六章

綉在裳 白羅大帶紅裏 蔽膝隨裳色繡龍火山文  
玉革帶玉佩 大綬六采赤黃黑白縹綠小綬三色  
同大綬間施三玉環 白羅中單蔽領青緣襪 黃韞  
黃舄金飾

二十六年定 袞冕十二章 冕版廣一尺二寸長二  
尺四寸冠上有覆玄表朱裏前後各有十二旒旒五采  
玉珠十二玉簪導朱纓 圭長一尺二寸 袞玄衣纁  
裳衣六章織日月星辰山龍華蟲裳六章織宗彝藻火

粉米黼黻 中單以素紗為之 紅羅蔽膝上廣一尺

下廣二尺長三寸織火龍山三章 革帶珮玉長三尺

三寸 大帶素表朱裏用緣上以朱錦下以綠錦

大綬六采用黃白赤玄縹綠織成純玄質五百首小綬

三色同大綬間織三玉環 朱韞赤舄

永樂三年定 冕冠十有二旒冠以皁紗為之上覆曰

紼桐板為質衣之以綺玄表朱裏前圓後方廣一尺二

寸長二尺四寸

用周尺

前後各十有二旒每旒各五采縹

十有二就貫五采玉珠十二赤白青黃黑相次以玉衡  
維冠玉簪貫紐紐與冠武并繫纓處皆飾以金縷以左

右垂黠纊充耳

用黃玉

繫以玄統承以白玉填朱紘玉

圭長一尺二寸剡其上刻山四蓋周鎮圭之制以黃綺  
約其下別以袋韜之金龍文 袞服十有二章玄衣八

章日月龍在肩星辰山在背火華蟲宗彝在袖

每袖各三

皆

織成本色領褱襪裾纁裳四章織藻粉米黼黻各二前  
三幅後四幅前後不相屬共腰有襞積本色紕錫 中

單以素紗為之青領襖褙裾領織文十三 蔽膝隨裳  
色四章織藻粉米黼黻各二本色緣有紃施于縫中其  
上玉鈎二 玉珮二各用玉珩一瑀一琚二衝牙一璜  
二瑀下有玉花下垂玉花下又垂二玉滴瑑飾雲龍文  
描金自珩而下繫組五貫以玉珠行則衝牙二滴與璜  
相觸有聲其上金鈎二有二小綬六綵以副之六采黃  
白赤玄縹綠纁質 大帶素表朱裏在腰及垂皆有縶  
上縶以朱下縶以綠紐約用素組 大綬六采黃白赤



玄纁綠纁質小綬三色同大綬間施三玉環龍文皆織成鞵烏皆赤色烏用黑紬純以黃飾烏首

嘉靖八年定 冠制以圓匡烏紗冒之冠上有覆板長二尺四寸廣二尺二寸玄表朱裏前圓後方前後各七采玉珠十二旒以黃赤青白黑紅綠為之玉珩玉簪導朱纓青纁充耳綴以玉珠二凡尺皆以周尺為度 衣

玄色凡織六章日月在肩各徑五寸星山在後龍華蟲在兩袖長不掩裳之六章 裳黃色為幅七前三幅後

四幅連屬如帷凡繡六章分作四行火宗彛藻為二行  
米黼黻為三行中單素紗為之青緣領織黻文十三  
蔽膝隨裳色羅為之上繡龍一下繡火三繫于革帶  
大帶素表朱裏上緣以朱下以綠不用錦革帶前  
用玉其後無玉以佩綬繫而掩之圭白玉為之長一  
尺二寸剡其上下以黃綺約之上刻山形四盛以黃綺  
囊藉以黃錦朱韞赤舄黃絛緣玄纓結

皮弁服

凡朔望視朝降詔降香進表四夷朝貢朝覲則服皮

弁服

見集禮

嘉靖間令祭太歲山川等神皆服

洪武二十六年定 皮弁服用烏紗冒之前後各十二  
縫每縫中綴五采玉十二以為飾玉簪導紅組纓其服  
絳紗衣蔽膝隨衣色白玉佩革帶玉鈎鐶緋白大帶白  
韞黑舄

永樂三年定 皮弁用烏紗冒之前後各十二縫其中  
各綴五采玉十二縫及冠武弁貫簪繫纓處皆飾以金

玉簪朱紘纓玉以赤白青黃黑相次 玉圭長如冕服  
之圭有脊并雙植文剡其上黃綺約其下及有韜金龍  
文 絳紗袍本色領標襪裾 紅裳如冕服內裳制但  
不織章數 中單以素紗為之如深衣制紅領標襪裾  
領織黼文十三 蔽膝隨裳色本色緣有玉鈎二 玉  
佩大帶大綬鞶舄俱如冕服內制

常服

洪武三年定 常服烏紗折角向上巾盤領窄袖袍束

帶間用金玉琥珀透犀

永樂三年定冠以烏紗冒之折角向上

今名翼善冠

袍

黃色盤領窄袖前後及兩肩各金織盤龍一  
帶用玉靴以皮為之

### 武弁服

國初行親征遣將禮則服武弁乘輅其制未詳定自  
嘉靖初年始

嘉靖八年定弁上銳色用赤上十二縫中綴五采玉

落落如星狀 鞅衣鞅裳鞅鞅俱朱色如常制 佩綬  
革帶如常制佩綬及鞅鞅俱上繫于革帶 舄如其裳  
之色 玉圭視鎮圭差小剡上方下有篆文曰討罪安  
命

燕弁冠服

嘉靖七年定 冠匡如皮弁之制以烏紗冒之分有十  
二瓣各以金線壓之前飾五采玉雲各一後列四山朱  
絛為組纓雙玉簪 服如古玄端之制身用玄邊緣以

青兩肩繡日月前蟠圓龍一後蟠方龍二邊加龍文八  
十一領與兩袂共龍文五九袷同前後齊共龍文四九  
襯用深衣之制黃色袂圓袂方下齊負繩及踝十二幅  
素帶朱裏青表綠緣邊腰圍飾以玉龍九片履玄為  
之朱緣紅纓黃結襪用白

皇后冠服

冊寶附

皇后受冊謁廟朝會服燕居則常服

見集禮

禮服

洪武三年定冠為圓匡帽以翡翠上飾以九龍四鳳  
大花十二樹小花如大花之數兩搏鬢十二鈿服褱衣  
深青為質畫翟赤質五色十二等素紗中單黼黻領朱  
羅縠標襖裾蔽膝隨衣色以緞為領緣用翟為章三等  
大帶隨衣色朱裏紕其外上以朱錦下以綠錦紐約用  
青組玉革帶青鞵青舄以金飾

永樂三年定九龍四鳳冠膝竹絲為圓匡冒以翡翠  
上飾翠龍九金鳳四正中一龍銜大珠一上有翠蓋下



垂珠結餘皆口銜珠滴珠翠雲四十片大珠花十二樹

皆牡丹花每樹花二朵  
莖頭二個翠花九葉

小珠花如大珠花之數

皆穠花  
飄枝每

枝花一朶半開  
一朶翠葉五葉

三搏鬢

左右共  
六扇

飾以金龍翠雲皆垂珠

滴翠口圈一幅上飾珠寶鈿花十二翠鈿如其數托裏

金口圈一幅 珠翠面花五事珠排環一對阜羅額子

一描金龍文用珠二十一顆 翟衣深青為質織翟文

十有二等

凡一百四  
十八對

間以小輪花紅領襖襖裾織金雲

龍文紵絲紗羅隨用 中單玉色紗為之紅領襖襖裾

領織黻文十三或用線羅 蔽膝隨衣色織翟為章三等間以小輪花四以緞為領緣織金雲龍文紵絲紗羅隨用 玉穀圭長七寸周尺剡其上琢穀文黃綺約其下別以黃袋韜之金龍文 玉革帶青綺鞞描金雲龍文玉事件十金事件四 大帶表裏俱表青紅相半其末純紅而下垂織金雲龍文上以朱緣下以綠緣并青綺副帶一 綬五采黃赤白縹綠纁質間施二玉環皆織成小綬三色同大綬 玉佩二各用玉珩一瑀一琚

二衝牙一璜二瑀下有玉花玉花下又垂玉二滴琢飾  
雲龍文描金自珩而下繫組五貫以玉珠行則衝牙二  
滴與二璜相觸有聲上有金鈎小綬五綵以副之五采  
赤黃白縹綠纁質織文 青鞵烏鞵以青羅為之烏用  
青綺飾以描金雲龍文皁線純每烏首加珠五顆

常服

洪武三年定 雙鳳翊龍冠首飾鐲釧金玉珠寶翡翠  
隨用諸色團衫金繡龍鳳文帶用金玉

十四年定 龍鳳珠翠冠真紅大袖衣霞帔紅羅長裙  
紅褙子冠制如特髻上加龍鳳飾衣用織金龍鳳文加

繡飾

永樂三年定 雙鳳翊龍冠以阜穀為之附以翠博山  
上飾金龍一翊以二珠翠鳳皆口銜珠滴前後珠牡丹  
花二朶莖頭八個翠葉三十六葉珠翠穰花鬢二朶珠  
翠雲二十一片翠口圈一副金寶鈿花九上飾珠九顆  
金鳳一對口銜珠結三博鬢

左右共  
六扇

飾以鸞鳳金寶鈿

二十四邊垂珠滴金簪一對珊瑚鳳冠背一副 大衫

霞帔衫用黃色紵絲紗羅隨用霞帔深青為質織金雲霞龍文或繡或鋪翠圈金飾以珠紵絲紗羅隨用玉墜

子琢龍文

四褖褌子

即褙子

深青為質金繡團龍文紵

絲紗羅隨用

鞠衣紅色胸背雲龍文用織金或繡或

加鋪翠圈金飾以珠或紵絲紗羅并餘色隨用 大帶

紅線羅為之有緣餘或青或綠或隨鞠衣色 綠褌褌

子黃色紅領標褌裙皆織金綠色雲龍文紵絲紗羅隨

用緣襪裙紅色綠緣襪織金采色雲龍文紵絲紗羅  
隨用玉帶青綺鞋描金雲龍文玉事件十金事件三  
玉色綵結綬以紅綠線羅為結上有玉綬花一瑑雲  
龍文綬帶上玉墜珠六顆并金垂頭花板四片小金葉  
六個紅線羅繫帶一白玉雲樣玳瑁二如佩制每事  
上有金鈎一金如意雲蓋一件兩面鈎雲龍文下懸紅  
組五貫金方心雲板一件兩面亦鈎雲龍文俱襯以紅  
綺下垂金長頭花四件中有小金鐘一箇末綴白玉雲

朶五 青鞵烏與翟衣內制同

冊寶

冊用金二片每片依周尺長一尺二寸濶五寸厚二分五釐鐫刻真書每片側邊上下有竅用紅絛聯貫開闔如今書帙之狀背各用紅錦嵌護藉以紅錦小褥冊盪以木為之飾以渾金瀝粉蟠龍用紅紵絲襯裏內以紅羅銷金小袂裏冊外以紅羅銷金夾袂裏之五色小絛縈於匣外

實用金龜紐朱綬文用篆書曰皇后之寶依周尺方五寸九分厚一寸七分寶池用金潤取容寶寶匣一副每副三重外匣用木飾與冊盃同中匣用金級造蟠龍內小匣仍用木與外匣同小匣內置一寶座四角雕蟠龍飾以渾金座上用小錦袂褥上一置寶池用銷金紅羅小夾袂裏寶其匣外各用紅羅銷金大夾袂覆之

皇妃冠服

冊印附皇嬪命婦附

凡皇妃受冊助祭朝會用禮服燕居常服



禮服

洪武三年定冠飾以九翬四鳳花釵九樹小花如花之數兩博鬢九鈿翟衣青質繡翟編次于衣及裳重為九等青紗中單黻領朱縠縹襪裾蔽膝隨裳色文繡重雉為章三等以緞為領緣大帶隨衣色玉革帶青鞵烏佩綬

永樂三年定九翬冠二頂冠以皐縠為之附以翠博山飾以大珠翟二小珠翟三翠翟四皆口銜珠滴冠中寶

寶珠一座前後珠牡丹花二朵蕊頭八個翠葉三十六  
葉珠翠穠花鬢二朵承以小連雲六朵翠頂雲一座上  
飾珠五顆珠翠雲十一片翠口圈一副金寶鈿花九箇  
上用珠九顆金鳳一對口銜珠結金簪一對珠翠牡  
丹花穠花各二朵面花二對梅花環四珠環各一對

大衫霞佩衫用紅色紵絲紗羅隨用霞帔深青為質織  
金雲霞帔鳳文或繡或鋪翠圈金飾以珠紵絲紗羅隨  
用玉墜子琢鳳文四襖襖子即褙子桃花色金繡團鳳

文紵絲紗羅隨用 鞠衣青色胸背鸞鳳雲文用織金  
或繡或加鋪翠圈金飾以珠燕居服用素除黃外餘色  
及紵絲紗羅隨用 大帶青綿羅為之有緣餘或紅或  
綠各隨鞠衣色 緣襪襖子青色紅領襖襪裙織金雲  
龍文紵絲紗羅隨用 緣襪裙紅色綠緣襪織金花鳳  
文紵絲紗羅隨用 玉黻圭長七寸剡其上琢黻文以  
錦約其下并韜 玉鞶帶青綺鞶描金雲鳳文玉事件  
十金事件三 玉花采結綬以紅綠線羅為結上有玉

綬花一環寶相花文綬帶上玉墜珠六顆并金垂頭花板  
四片金葉兒六個紅線羅繫帶一玉佩二如中宮佩制  
珩以下琢飾雲鳳文描金上有金鈎 青鞵烏鞵以青  
線羅為之烏用青綺飾以描金雲鳳文阜緣純每烏首  
加珠三顆

常服

洪武三年定 鸞鳳冠首飾釧鐲用金玉珠寶翠珠色  
團衫金繡鸞鳳不用黃帶用金玉犀

文定 山松特髻假鬢花佃或花釵鳳冠真紅大袖衣  
霞帔紅羅裙紅羅褙子衣用織金及繡鳳文

冊印

冊用鍍金銀冊二片其長短濶厚與諸王冊同冊盃飾  
以渾金漚粉蟠龍鳳其物用裏覆皆與諸王同

印用金龜紐其尺寸與諸王寶同文曰皇妃之印其餘  
制度皆與諸王同匣皆飾以蟠鳳皇貴妃有寶餘無寶

皇嬪冠服

冊附

嘉靖十年定 冠用九翟次皇妃之鳳大衫鞠衣如皇  
妃制圭用次玉穀文

冊

冊用銀少殺于皇妃五分之一以金飾之

內命婦冠服

洪武五年定 三品以上用花釵翟衣四品五品用山  
松特髻大衫為禮服貴人視三品以皇妃燕居冠及大  
衫霞帔為禮服珠翠慶雲冠鞠衣褙子緣襖裙裙為常

服

皇太子冠服

冊寶附

皇太子陪祀天地宗廟及正旦冬至朝會則服衮冕

見諸司職掌

從祭社稷及受冊納妃亦如之朔望朝降詔

降香進表四夷朝貢朝覲則服皮弁

見集禮

衮冕

洪武二十六年定 衮冕九章 冕九旒旒九玉金簪

導紅組纓兩玉璫 圭長九寸五分 玄衣纁裳衣五

章織山龍華蟲宗彛火裳四章織藻粉米黼黻 白紗  
中單黻領 蔽膝隨裳色織火山二章 革帶玉鈎釧  
玉佩 綬五采用赤白玄縹綠織成純赤質三百三十  
首小綬三色同大綬間織三玉環 大帶白表朱裏上  
緣以紅下緣以綠 白韞赤舄

永樂三年定 冕冠玄表朱裏前圓後方前後各九旒  
每旒各五綵纁九就貫五采玉九赤白青黃黑相次玉  
衡金簪玄紃垂青纁充耳

用青玉

承以白玉瑱朱紃纓



玉圭長九寸五分以錦約其下并韜 袞服九章玄衣

五章龍在肩山在背火龍華蟲宗彝在袖

每袖各三

皆織成

本色領標襪裾纁裳四章織藻米粉黼黻各二前三幅

後四幅不相屬共腰有襍積本色紕裼 中單以青紗

為之青領標襪裾領織黻文十一蔽膝隨裳色四章織

藻米粉黼黻本色緣有紃施于縫中其上玉鈎二 玉

佩二各用玉珩一瑀一琚一衝牙一璜二瑀下有玉花

花下垂二玉滴瑒雲龍文描金自珩而下繫組五貫以

玉珠上有金鈎小綬四采以副之四采赤白縹綠纁質  
大帶素表朱裏在腰及垂皆有緋上緋以朱以緋以  
綠紐約用青組 大綬四采赤白縹綠纁質小綬三采  
間施二玉環龍文皆織成 韞舄皆赤色舄用黑鈎純  
黑飾舄首

皮弁服

永樂三年定 皮弁用烏紗冒之前後各九縫每縫中  
綴五采玉九縫及冠武弁貫簪繫纓處皆飾以金金簪

朱纓 玉圭如冕服內制 絳紗袍本色領標襪裾  
紅裳如冕服內裳制但不織章數 中單以素紗為之  
如深衣制紅領標襪裾領織黻文十一蔽膝隨裳色本  
色緣有紃施于縫中其上玉鈎二 玉佩如冕服內制  
但無雲龍文有小綬四采以副之 大帶 大綬 鞬  
舄赤色皆如冕服內制

常服

洪武元年定 烏紗折上巾

永樂三年定冠烏紗折角向上巾

亦名翼善冠親郡王及世子俱同

袍赤色盤領窄袖前後及兩肩各金織蟠龍一帶用玉靴皮為之

冊寶

冊用金二片長濶規制盡匣妝飾悉與皇后冊同

寶用金龜紐朱綬文用篆書曰皇太子之寶方厚規制池匣妝飾亦與皇后寶同

皇太子妃冠服

禮服

洪武三年定 與皇妃同

永樂三年定 九翬四鳳冠漆竹絲為圓匡冒以翡翠

上飾翠翬九金鳳四皆口銜珠滴珠翠雲四十片大珠

花九樹

皆牡丹花每樹花一朶半開  
一朵莖頭二箇翠葉九葉

小珠花如大珠花

之數

皆穠花飄枝每枝花一朶半開  
一朵翠葉五葉

雙博鬢

左右共四扇

飾以鸞鳳

皆垂珠滴翠口圈一副上飾珠寶鈿花九翠鈿如其數

托裏金口圈一副 珠翠面花事珠排環一對珠阜羅

額子描金鳳文用珠二十一顆 翟衣深青為質織翟

文九等

凡一百三十八等

間以小輪花紅領標襖裾織金雲龍

文紵絲紗羅隨用 中單玉色紗為之紅領標襖裾領

織黻文十一或用線羅 蔽膝隨衣色織翟為章二等

間一小輪花三以組為領緣織金雲龍文紵絲紗羅隨

用 玉穀圭長七寸剡其上琢穀文以錦約其下并韜

玉革帶青綺鞵描金雲鳳文玉事件十金事件四

大帶表裡俱青紅相半其末純紅而下垂織金雲鳳文

上以朱緣下以綠緣并青綺副帶一綬四采赤白縹  
綠纁質皆織成間施二玉環小綬三色同大綬玉佩  
二珩以下琢飾雲鳳文描金上有金以小綬四采副  
之四采赤白縹綠纁質織成青鞵烏鞵以青線羅為  
之烏用青綺飾以描金雲鳳文皁線純每烏首加珠三  
顆

常服

洪武三年定犀冠刻以花鳳首飾釧鐲用金玉珠寶

翠諸色團領衫金繡鸞鳳惟不用黃帶用金玉犀

四年又定 與皇妃同

永樂三年定 燕居冠以皁縠為之附以寶博山止飾

寶珠一座翊以二珠翠鳳皆口銜珠滴前後珠牡丹花

二朶莖頭八個翠葉三十六葉翠珠穰花鬢二朶珠翠

雲十六片翠雲圈一副金寶鈿花九上飾珠九顆金鳳

一對口銜珠結雙博鬢

左右共四扇

飾以鸞鳳金寶鈿十八

邊垂珠滴金簪一對珊瑚鳳冠背一副 大衫霞帔衫



用紅色紵絲紗羅隨用霞帔深青為質織金或繡或鋪

翠圈金飾以珠紵絲紗羅隨用玉墜子琢鳳文 四襖

襖子

即褙子

桃紅色金繡團鳳文紵絲紗羅隨用 鞠衣

青色胸背鸞鳳雲文用織金或繡或加鋪翠圈金飾以珠或素除黃外餘色并紵絲紗羅隨用 大帶青線羅

為之有緣餘或紅或綠各隨鞠衣色 緣襖襖子青色

紅領襖襖裙織金采色雲鳳文紵絲紗羅隨用 緣襖

裙紅色綠緣襖織金采色花雲文紵絲紗羅隨用 玉

帶青綺鞞描金雲鳳文玉事件十金事件三玉花采結  
綬以紅綠線羅為結上有玉綬花一琢雲鳳文綬帶上  
玉墜珠六顆并金垂頭花瓣四片小金葉六個紅線羅  
繫帶一白玉雲樣玳瑁二如佩制每事上有金鈎一  
金如意雲蓋一件兩面鈎雲鳳文下懸紅組五貫金方  
心雲板一件兩面亦鈎雲鳳文俱襯以紅綺下垂金長  
頭花四件中有小金鐘一箇末綴白玉雲朶紅青襪  
烏與前翟衣內制同

親王冠服

冊寶附

親王助祭謁廟正旦冬至等朝服則服衮冕

見諸司職掌

受冊納妃亦如之朔望朝降詔降香進表四夷朝貢

朝覲則服皮弁

見集禮

衮冕

洪武二十六年定 衮冕九章 冕五采玉珠九旒紅

組纓青纁充耳金簪導 圭長九寸二分五釐 青衣

纁裳衣五章織山龍華蟲火宗彛裳四章織藻粉米黼

黻 白紗中單黻領青緣 黻膝隨裳色織火山二章

革帶金鈎鶮佩玉 綬五采赤白玄縹綠織成純赤

質三百二十首小綬三色同大綬間織三玉環 大帶

表裏白羅朱緣綠 白鞵朱履

永樂三年定 冕冠玄表朱裏前圓後方前後各九旒

每旒各五采纁九就貫五采玉九赤白青黃黑相次玉

衡金簪玄統垂青纁充耳

玉用青

承以白玉填朱紘纓

玉圭長九寸二分五釐以錦約其下并韜 袞服九章

青衣五章龍在肩山在背火華蟲宗彛在袖每袖各三  
皆織成本色領標襪裾纁裳四章織藻粉米黼黻各二  
前三幅後四幅不相屬共腰有襞積本色紕裼中單  
以素紗為之青領標襪裾領織黻文十一蔽膝隨裳  
色四章織藻粉米黼黻各二本色緣有紃施於縫中其  
上玉鈎二玉佩如東宮佩制自珩以下環雲龍文上  
有金鈎小綬四采以副之四采赤白縹綠纁質大帶  
素表朱裏在腰及垂皆有紕上紕以朱下紕以綠紐約

用青組 大綬四采赤白縹綠小綬三采間施二玉環  
龍文皆織成纁質 韞烏皆赤色烏用黑鈎純黑飾烏

首

皮弁服

永樂三年定 皮弁用烏紗冒之前後各九縫每縫中  
綴五采玉九縫及冠武弁貫簪繫纓處皆飾以金金簪  
朱纓 玉圭如冕服內制 絳紗袍本色領襖襖裾  
紅裳如冕服內裳制但不織章數 中單以素紗為之

如深衣制紅領標襪裙領織黻文十一蔽膝隨裳色  
本色緣有紉施于縫中其上玉鈎二玉佩如冕服內  
佩制但無雲龍文有小綬四采以副之大帶大綬  
鞅舄俱如冕服內制

常服

永樂三年定冠袍帶靴俱與東宮同

保和裳服

嘉靖七年定冠制以燕弁為準親王用九旒世子用

八袞郡王用七袞俱去簪與五玉後山皆一扇為之分  
畫為四郡王長子冠如忠靜之制用五袞服用青深青  
緣前後方龍補各一身用素地邊用雲其補子郡王長  
子織金為之襯用深衣玉色帶青表綠裏緣履用阜  
綠結白鞵

冊寶

冊用金二片長濶規制盡匣妝飾與皇太子冊同  
寶用金龜紐依周尺方五寸二分厚一寸五分其文曰



其王之寶池匣妝飾與皇太子寶同但太子寶盃匣雕蟠龍王則雕蟠螭

親王妃冠服

王妃受冊助祭朝會則服禮服

見集禮

禮服

洪武三年定冠飾以九翬四鳳花釵九樹小花如花之數兩鬢博九鈿翟衣青質五色九等繡翟編次於衣及裳素紗中單蔽領朱縠標襪裾蔽膝隨裳色以紉

為領緣繡翟為章二等大帶隨衣色玉革帶青鞵烏佩  
綬

永樂三年定 九翟冠二頂冠以皐轂為之附以翠博  
飾以火珠翟二小珠翟三翟翠四皆口銜珠滴冠中寶  
珠一座前後珠牡丹花二朵莖頭八箇翠葉三十六葉  
珠翠穠花鬢二朶承以小連雲六片翠頂雲一座上飾  
珠九顆珠翠雲十一片翠口圈一副金寶鈿花九箇上  
用珠九顆金鳳一對口銜珠結金簪一對 珠翠牡丹

花穠花各二朶面花二對梅花環四珠環各一雙 大

衫霞帔衫用大紅紵絲紗羅隨用霞帔以深青為質金

繡雲霞鳳文紵絲紗羅隨用金墜子亦釵鳳文 四襖

襖子即襟子 桃紅色金繡團鳳文紵絲紗羅隨用 鞦衣

青色如深衣制胸背金繡雲鳳文紵絲紗羅并各色隨

用惟不用黃燕居服用素 大帶青線羅為之有緣或

用紅羅 玉穀圭長七寸剡其上琢穀文以錦約其下

并韜公主不用圭 玉革帶青綺鞬描金雲鳳文玉事件十金

事件三 玉花采結綬以紅綠絲羅為結上有玉綬花一  
琢寶相花玉綬帶上玉珠墜六顆并金垂頭花板四  
片小金葉六箇紅線羅繫帶一 玉佩二如東宮妃  
佩制珩以下琢雲鳳文描金上有金鈎 青鞵烏鞵以  
青線羅為之烏用青綺飾以描金雲鳳文阜線純每烏  
首加珠三顆

常服

洪武三年定 犀冠刻以金鳳首飾釧鐲用金玉珠寶

翠諸色團領衫金繡花鳳惟不用黃帶用金玉犀

洪武四年定 與皇妃同

公主冠服

禮服常服

洪武三年定 與親王妃同

冊印

冊用銀二片長濶規制悉與親王冊同

印用金龜鈕依周尺方五寸二分厚一寸五分其文曰

某國公主之印綬用朱印池用金池匣妝飾亦與親王同但親王飾蟠螭公主則用飾蟠鳳駙馬冠服見文武冠服內與侯同

世子冠服

世子遇聖節千秋節并正旦冬至進賀表箋及其父王生諸節慶賀皆服袞冕

袞冕

洪武二十六年定 袞冕七章 冕三采玉珠七旒五組

纓青纊充耳金簪導圭長九寸青衣纊裳七三章  
織華蟲火宗彛裳四章織藻粉米黼黻素紗中單青  
領襪赤韎革帶佩白玉玄組綬綬紫質用紫黃赤  
三采織成章織三白玉環白韎赤舄

永樂三年定冕冠玄裏朱表前圓後方前後各八旒  
每旒五采纁八就各貫三采玉珠八赤白青色相次玉  
衡金簪玄紃垂青纊充耳

用青玉

朱紃纓承以白玉瑱

玉圭長九寸以錦約其下并韜青衣纊裳七章青衣

三章火一在肩其二與華蟲宗彛各三在兩袖皆織成  
本色領標襪裾纁裳四章織藻粉米黼黻各二前三幅  
後四幅不相屬共腰有襍積本色緋褐中單以素紗  
為之青領標襪裾纁領織黻文九蔽膝隨裳色四章  
織藻粉米黼黻各二本色緣有紃施於縫中其上玉鈎  
二玉佩二如親王之佩制珩以下緣雲龍文上有四  
鈎以小綬四采副之四采赤白縹綠纁質大帶素表  
朱裏在腰及垂皆有緋上緋以朱下緋以綠紐約用青



組大綬四采赤白縹綠纁質小綬三采間施二玉環  
皆織成韞舄皆赤色舄用黑約純黑飾舄首

皮弁服

永樂三年定皮弁用烏紗冒之前後各八縫每縫中  
綴三采玉八縫及冠武弁貫簪繫纓處皆飾以金金簪  
朱纓玉圭如冕服內制絳紗袍本色領縹襪裾

紅裳如冕服內裳制但不織章數中單以素紗為之  
如深衣制紅領縹襪裾領織黻文九蔽膝隨裳色本

色緣有紉施于縫中其上玉鈎二 玉佩如冕服內佩  
制但無雲龍文有小綬四采以副之 大帶 大綬  
韞舄俱如冕服內制

常服

永樂三年定 冠袍帶靴俱與親王同

保和冠服制見前

世子妃冠服

禮服常服

永樂三年定 與親王妃同但冠用七翟

郡王冠服

袞服

永樂三年定 冕冠玄表朱裏前圓後方前後七旒每旒五采繅七就各貫玉珠七赤白青色相次玉衡金簪玄紬垂青纁充耳用青玉朱紘纓承以白玉瑱 玉圭長

九寸以錦約其下并韜青衣纁裳五章青衣三章粉米一在肩其二并藻宗彛各三在兩袖皆織成本色領標

襪裾纁裳二章織黼黻各二前三幅後四幅不相屬共腰有襞積本色紕裼中單以素紗為之青領標襪裾領織黻七黻膝隨裳色二章織黼黻各二本色緣有紕施於縫中其上玉鈎二玉佩如親王佩制珩以下琢雲龍文上有金鈎以小綬四采副之四采赤色縹綠纁質大帶素表朱裏在腰各垂皆有紕上紕以朱下紕以綠紐約用青組大受四采赤白縹綠纁質小綬三采間施二玉環皆織成鞞舄皆赤色舄用黑鈎純

黑飾烏首

皮弁服

永樂三年定 皮弁用烏紗冒之前後各七縫每縫中綴三采玉七縫及冠武弁貫簪繫纓處皆飾以金金簪朱纓 玉圭如冕服內制 絳紗袍本色領標襪裾

紅裳如冕服內裳制但不織章數 中單以素紗為之如深衣制紅領標襪裾領織黻文七 黻膝隨裳色本色緣有紃施於縫中其上玉鈎二 玉佩如冕服內制

但無雲龍文有小綬四采以副之 大帶 大綬 鞵  
烏俱如冕服內制

常服

永樂三年定 冠袍帶靴俱與親王同

保和冠服制見前

郡王妃冠服

禮服

永樂三年定 七翟冠二頂冠以阜穀為之附以翠博

山飾以大珠翟二小珠翟三翠翟四皆口銜珠滴冠中  
寶珠一座前後珠牡丹花二朵莖頭八箇翠葉三十六  
葉珠翠穰花鬢二朵承以小連雲六片翠頂雲一座飾  
以珠五顆珠翠雲十一片翠口圈一副金寶鈿花八箇  
上用珠八顆金翟一對口銜珠結金簪一對 珠翠牡  
丹花穰花各二朵面花二對梅花環四珠環各一對  
大衫霞帔衫用大紅紵絲紗羅隨用霞帔以深青為質  
金繡雲霞翟文紵絲紗羅隨用金墜子亦釵翟文四襖

襖子

即褶子

挑紅色金繡翟文紵絲紗羅隨用 鞠衣青

色胸背金繡雲翟文紵絲紗羅并各色隨用惟不用黃

燕居服用素 大帶青線羅為之有緣或用紅羅 玉

黻圭長七寸剡其上琢黻文以錦約其下并韜玉革帶

青綺鞶描金雲翟文玉事件十金事件三玉花朵結綬

以紅綠線羅為結上有玉綬花一琢寶相花文綬帶上

玉墜珠六顆并金垂頭花板四片小金葉六箇紅線羅

繫帶一 玉佩二如親王妃佩制珩以下琢金翟文描金



上有金鈎 青鞵烏鞵以青線羅為之烏用青綺飾以  
描金翟文皐線純每烏首加珠三顆

常服

永樂三年定 俱與親王妃同

長子冠服

朝服

七梁冠大紅素羅衣白素紗中單大紅素羅裳及蔽膝  
大紅素羅白素紗二色夾帶玉朝帶丹礬紅花錦錦雞

綬玉佩象牙笏白絹鞭皁雲皮頭履鞋

公服

皁縐紗幘頭大紅素紵絲衣玉革帶

常服

烏紗冒大紅紵絲織金獅子開襖圓領玉束帶皁皮銅

線靴

保和冠服制見前

長子夫人冠服

珠翠五翟冠大紅紵絲大衫深青紵絲金繡翟雞褙子  
青羅金繡翟雞霞帔金墜頭

郡主冠服

永樂三年定 與郡王妃同惟不用圭及少四珠環一  
對

將軍以下冠服

鎮國將軍冠服與長子同 鎮國將軍夫人冠服與長  
子夫人同

輔國將軍冠服與鎮國將軍同惟冠六梁帶用犀輔  
國將軍夫人冠服與鎮國將軍夫人同惟冠用四翟抹  
金銀隆頭

奉國將軍冠服與輔國將軍同惟冠五梁帶用金釵  
花常服大紅織金虎豹奉國將軍淑人冠服與輔  
國將軍夫人同惟褙子霞帔金繡孔雀文

鎮國中尉冠服與奉國將軍同惟冠四梁帶用素金佩  
用藥玉鎮國中尉恭人冠服與奉國將軍淑人同

輔國中尉冠服與鎮國中尉同惟冠三梁帶用銀鈸花  
綬用盤鵠 公服用深青素羅 常服用紅織金熊羆  
輔國中尉宜人冠服與鎮國中尉恭人同惟冠用翟  
褙子霞帔金繡鴛鴦文銀墜頭

奉國中尉冠服與輔國中尉同惟冠二梁帶用素銀綬  
用練雀幘頭黑膝 常服紅織金彪 奉國中尉安人  
冠服與輔國中尉宜人同惟大衫用丹礬紅褙子霞佩  
金繡練雀文

縣主冠服珠翠五翟冠大紅紵絲大衫深青紵絲金繡  
孔雀褙子青羅金繡孔雀霞帔抹金銀墜子頭

郡君冠服同縣主惟冠用四翟褙子霞帔繡鴛鴦文

縣君冠服與郡君同惟冠用三翟

鄉君冠服與縣君同惟大衫用丹礬紅褙子霞帔金繡

練雀文

儀賓冠服凡朝服公服常服俱照品級與文武官同惟  
笏皆用象牙常服花樣視武官

弘治十三年定 郡主儀賓釵花金帶胸背獅子 縣  
主儀賓釵花金帶 郡君儀賓光素金帶胸背俱虎豹  
縣君儀賓釵花銀帶 鄉君儀賓光素銀帶胸背俱  
彪故違僭用者革去冠帶戴平頭巾與本處儒學讀書  
習禮三年方許復職

文武官冠服

朝服

凡大祀慶成正旦冬至聖節及頒降開讀詔赦進傳

制則文武官各服朝服

見諸司職掌

其武官應直守衛者

不拘此服

洪武二十六年定

文武官朝服梁冠赤羅衣白紗中

單俱用青單飾領緣赤羅裳青緣赤羅蔽膝大帶用赤

白二色絹革帶佩綬白鞢黑履一品至九品俱以冠上

梁數分等第

公冠八梁加籠巾貂蟬立筆五折四柱

香草五段前後用玉為蟬

侯冠七梁加籠巾貂蟬立

筆四折四柱香草四段前後用金為蟬

伯冠七梁加



籠巾貂蟬立筆二折四柱香草二段前後二瑁為蟬俱  
左插雉尾 駙馬冠與侯冠同不用雉尾 一品七梁  
不用籠巾貂蟬革帶與佩俱用玉綬用綠黃赤紫色四  
織成雲鳳四色花錦下結青絲綬綬環二用玉笏用象  
牙 二品官冠六梁帶帶綬環用犀餘同一品 三品  
冠五梁革帶用金佩用玉綬用黃綠赤紫四色織絲成  
雲鶴花錦下結青絲綬綬環二用金笏用象牙 四品  
冠四梁革帶用金佩用藥玉餘同三品 五品官三梁

革帶用銀釵花綬用黃綠赤紫四色織成盤雕花錦下  
結青絲綢綬環二用銀鍍金笏用象牙 六品七品冠  
二梁御史加獬豸革帶用銀佩用藥玉綬用黃綠赤三  
色絲織成練鵲花錦下結青絲綢綬環二用銀笏用槐  
木 八品九品冠一梁革帶用烏角佩用藥玉綬用黃  
綠二色絲織成鸛鵲花錦下結青絲綢綬環二用銅笏  
用槐木 雜職未入流品人員若遇大朝慶賀進表隨  
班行禮止用公服三十年奏准亦照九品官具朝服行

禮

嘉靖八年定 梁冠照舊式上衣用赤羅青綠其長過腰指七寸毋掩下裳中單白紗為之青緣下裳七幅前三後四每幅三襞積羅青緣蔽膝綴革帶 綬各照品級花樣革帶之後佩綬繫而飾掩之其環亦各照品級用玉犀金銀銅為之不以織於綬大帶表裏俱青帷兩耳及下垂緣以綠色用青組約之革帶一品玉二品犀三品四品金五品銀鈸花六品七品銀八品九品烏角

俱照舊式珮玉一如傳之制去雙滴及二珩其三品以上用玉四品以下用藥玉各照舊襪履俱照舊式

### 祭服

凡上親祀郊廟社稷文武官分獻陪祀則服祭服

見集禮

洪武二十六年定文武官陪祭服一品至九品青羅衣白紗中單俱用皐領緣赤羅裳皐緣赤羅蔽膝方心曲領其冠帶佩綬等第並同朝服又令品官家用祭服三品以上去方心曲領四品以下并去佩綬又令雜職

祭服與九品同

嘉靖八年定 凡上衣用青羅阜緣長與朝服同下裳用赤羅阜緣制與朝服同蔽膝綬環大帶革帶佩玉襪履俱與朝服同去方心曲領

公服

在京文武官每日晚朝奏事及侍班謝恩見辭則服公服在外文武官每日清晨公座亦服之

見諸司職掌

後

常朝止便服惟朔望俱公服朝參其武官應直守衛

者不拘此服

洪武二十六年定 文武官公服用盤領右衽袍或紵  
絲紗羅絹從宜製造袖寬三尺一品至四品緋袍五品  
至七品青袍八品九品綠袍未入流雜職官袍笏帶與  
八品以下同公服花樣一品用大獨科花徑五寸二品  
小獨科花徑三寸三品散答花無枝葉徑二寸四品五  
品小雜花紋徑一寸五分六品七品小雜花徑一寸八  
品以下無紋幘頭黑漆紗二等展角長一尺二寸其雜

職官員幘頭用垂帶笏依朝服為之腰帶一品用玉或  
花或素二品用犀三品四品用金荔枝五品以下用烏  
角鞞用青草仍垂撻尾於下靴用皂凡公侯駙馬伯公  
服服色花樣腰帶與一品同凡文武官公服花樣如無  
從織買用素隨宜又令凡內外未入流雜職官幘頭展  
角與入流官不用垂帶

常服

洪武三年定 凡文武官常朝視事以烏紗帽圓領衫

束帶為公服一品玉帶二品花犀帶三品金釵花帶四  
品素金帶五品銀釵花帶六品七品素銀帶八品九品  
烏角帶

二十六年定 公侯駙馬伯麒麟白澤文官一品二品  
仙鶴錦雞三品四品孔雀雲雁五品白鵬六品七品鷺  
鷗鸛八品九品黃鸝鶴鶉練雀風憲官獬豸武官一  
品二品獅子三品四品虎豹五品熊羆六品七品彪八  
品九品犀牛海馬



凡常服制度

洪武二十三年定 令官員人等衣服寬窄以身為度  
文職官衣長自領至裔去地一寸袖長過手復回至肘  
袖樁廣一尺袖口九寸公侯駙馬與文職官同武職官  
衣長去地五寸袖長過手七寸袖樁一尺袖口僅出拳  
凡束帶

洪武二十四年定 公侯駙馬伯與一品同雜職未入  
流官與八品九品同

凡服色禁制

洪武二十六年定 令品官常服用雜色紵絲綾羅綵  
繡庶民止用紬絹紗布不許別用又令官吏及軍民僧道  
人等衣服幔帳並不許用玄黃紫三色并織就龍文違  
者罪及染造之人其朝見人員四時並用顏色衣服不  
許純素

景泰四年令錦衣衛指揮侍衛者得衣麒麟服色

天順二年令官民人等衣服不得用龍蟒飛魚斗牛大

鵬像生獅子四寶相花 西番蓮大雲花樣并玄黃紫  
及玄色樣黑綠柳黃姜黃明黃等色

成化二年令官民人等不許僭用服色花樣

弘治十三年奏准今後公侯伯及文武大臣各處鎮守  
守備等官敢有違例奏討蟒衣飛魚等項衣服者該科  
參駁科道糾劾該部執奏治以重罪

嘉靖六年令在京在外官民人等不許濫服五彩妝花  
織造違禁顏色及將蟒龍造為女衣或加飾妝彩圖利

貨賣其朝貢夷人不許擅買違式衣服如違將買者賣者一體挈問治罪

十六年題准令後在京在外文武官員除本等品級服色及特賜外不許擅用蟒衣飛魚斗牛等項違禁華異物色其大紅紵絲紗羅服惟四品以上官及在京九卿翰林院詹事府春坊司經局尚寶司光祿寺鴻臚寺五品堂上官經筵講官方許穿用其餘衙門雖五品官及五品以下官經筵不係講官俱穿青綠錦繡遇有吉禮

止許穿紅布絨褐品官花樣照依品級公侯駙馬伯麒麟白澤文官一品僂鶴二品錦雞三品孔雀四品雲雁五品白鵬六品鷺鷥七品鸛鷀八品黃鸝九品鵪鶉雜職官練鵲風憲官獬豸武官一品二品獅子三品四品虎豹五品熊羆六品七品彪八品犀牛九品海馬不許混同穿用錦衣衛侍衛指揮者得衣麒麟服色其餘帶俸及不係侍衛人員及千百戶等官雖係侍衛俱不許僭用

凡致仕罷間官員服色

洪武三年令年老致仕及侍親辭間官許用紗帽束帶  
若為事黜降者服與庶人同

三十年令致仕官服色與見任同若遇朝賀及謝恩見  
辭一體具服行禮

忠靖冠服

嘉靖七年定 忠靖冠即古玄冠冠匡如制以烏紗冒  
之兩山俱立於後冠頂仍方中微起三梁各壓以金線

邊以金緣之四品以下去金邊以淺色絲線緣之忠靖  
服即古玄端服色改用深青以紵絲紗羅為之三品以  
下用雲四品以下用素邊緣以藍青前後飾以本等花  
樣補子深衣用玉色素帶如古大夫之帶制青表綠緣  
邊并裏素履色用青綠絛結白襪 凡王府將軍中尉  
及左右長史審理正副紀善教授等官俱以品官之制  
服之儀賓不得槩服 在京七品以上官及八品以下  
翰林院國子監行人司官在外方面官及府州縣正官

儒學教官及武官都督以上許服其餘不許

命婦冠服

禮服

凡命婦入內朝見君后在家見舅姑并夫及祭祀則服禮服

洪武五年定 凡命婦團衫以紅羅為之繡重雉為等第一品九等二品八等三品七等四品六等五品五等六品四等七品三等其餘不用繡雉



二十四年定 命婦朝服公侯伯與一品同大袖衫用  
真紅色一品至五品紵絲綾羅隨用六品至九品綾羅  
隨用并紬絹霞帔褙子皆用深青緞疋公侯及一品二  
品金繡雲霞翟文三品四品金繡雲霞孔雀文五品繡  
雲霞鴛鴦六品七品繡雲霞練雀文大袖衫領濶三寸  
兩領直下一尺間綴子三前身長四尺一寸二分後身  
長五尺一寸內九寸八分行則摺起末綴鈕子二鈕在  
掩鈕之下拜則放之袖長三尺二寸二分根濶一尺口

潤三尺五分落褶一尺一寸五分掩鈕二就用衫料連尖長二寸七分潤二寸五分各于領下一尺六寸九分處綴之于掩下各綴紐門一以紐住摺起後身之餘者兜子亦用衫料兩塊斜剪上尖下平連尖長一尺六寸三分每塊下平處各潤一尺五分縫合于領下一尺七分處綴之上綴尖皆縫合以藏霞帔後垂之末者霞珮二條各長五尺七寸潤三寸二分各繡禽七隨品級用前四後三各繡臨末左右取尖長二寸七分前後分垂

橫綴青羅襪子牽連並之前垂三尺三寸五分尖綴墜  
子一後垂二尺三寸五分臨末插兜子內藏之墜子中  
鈹花禽一四面雲霞文禽如霞帔隨品級用笏以象牙  
為之圓首方脚長六寸四分潤一寸五分厚一分五釐  
二十六年定 一品冠用金事件珠翟五箇珠牡丹開  
頭二箇珠半開三箇翠雲二十四片翠牡丹葉十八片  
翠口圈一副上帶金寶鈿花八箇金翟二箇口銜珠結  
二箇

二品至四品冠用金事件珠翟四箇珠牡丹開頭二箇  
珠半開四箇翠雲二十四片翠牡丹葉一十八片翠口  
圈一副上帶金寶鈿花八箇金翟二箇口銜珠結二箇  
一品至二品霞帔用雲霞翟文釵花金墜子褙子用雲  
霞翟文

三品至四品霞帔用雲霞孔雀文釵花金墜子褙子用  
雲霞孔雀文

五品至六品冠用抹金銀事件珠翟三箇珠牡丹開頭

二箇珠半開五箇翠雲二十四片翠牡丹葉一十八片  
翠口圈一副上帶抹金銀寶鈿花八箇抹金銀翟二箇  
口銜珠二箇

五品霞帔用雲霞鴛鴦文鍍金釵花銀子墜褙子用雲  
霞鴛鴦文

六品霞帔用雲霞練鵲文釵花銀墜子褙子用雲霞練  
鵲文

七品至九品冠用抹金銀事件珠翟二箇珠月桂開頭

二個珠半開六箇翠雲二十四片翠月桂葉一十八片  
翠口圈一副上帶抹金銀寶鈿花八箇抹金銀翟二箇  
口銜珠結子二箇

七品霞帔墜子褶子與六品同

八品九品霞帔用繡纏枝花墜子與七品同褶子繡摘  
枝花團花

常服

洪武二十四年定 命婦常服用顏色團領衫

進士巾服

洪武初年定 進士巾如今烏紗帽之製頂微平展角  
潤寸餘長五寸許絲以垂帶皁紗為之深色藍羅袍緣  
以青羅袖廣而不殺革帶青鞵飾以黑角垂撻尾於後  
笏用槐木廷試後赴國子監領出傳臚日服之至上表  
謝恩後謁先師孔子行釋菜禮畢始易常服其巾袍等  
仍送國子監交收

狀元冠服

朝冠二梁朝服緋羅為之圓領白絹中單錦綬全蔽膝  
全槐笏一把紗帽一頂光素銀帶一條藥玉佩一副朝  
靴韁襪各一雙俱內府製造禮部官引至御前頒賜上表謝  
恩日服之

生員巾服

洪武二十四年定 生員襴衫用玉色布絹為之寬袖

卓緣卓絛軟巾垂帶

吏員巾服



洪武四年定 各衙門掾史令史書吏司吏典吏穿皂  
盤領衫繫絲絛戴四方平頂巾

十四年定 吏員皂衣改用青衣

三十年定 令史典吏皆服吏巾巾樣不與庶民同

士庶巾服 公使人等附

洪武三年定 士庶初帶四帶巾今改四方巾用雜色  
盤領衣不許用黃執仗之士首服鏤金額交脚幘頭服  
諸色辟邪寶相花裙襖銅葵花束帶皂紋靴刻期冠方

頂巾衣胸背鷹鷄花腰線襖子諸色濶絲匾絛象牙雕花環行膝八帶鞋阜隸冠圓頂巾衣阜衣

又令庶民男女衣服並不得僭用金繡錦綺紵絲綾羅許用紬絹素紗其首飾釧鐲並不許用金玉珠翠止用銀鞋不得裁製花樣金錦妝飾

四年定 阜隸公使人穿阜盤領衫戴平頂巾繫白裕襖帶牌

六年令庶民巾環不得用金玉瑪瑙珊瑚琥珀未入流

品者並同庶民帽不得用頂帽珠許用水晶香木校尉  
只絲束帶幘頭靴鞋刻期雕刻雜花象牙絛環外餘同  
庶民

十四年令農民之家許穿紬紗絹布商賈之家止許穿  
絹布如農民之家但有一人為商賈者亦不許穿紬紗  
又令校尉用金鶯帽黑漆戩金荔枝改作銅釘樣每  
五釘攢就四面稍起邊欄鞞用青緊束之各衙門祇禁  
原穿皂衣改用淡青又令僧道服色禪僧茶褐常服

青縹玉色伽藍講僧玉色常服絲縹淺紅伽藍教僧卑  
常服黑縹淺紅袈裟僧官皆如之道士常服青法服朝  
服皆用赤色道官亦如之惟僧錄司官袈裟道錄司官  
法服朝服皆綠紋飾以金

二十二年令將軍力士校尉旗軍常戴頭巾或襍腦官  
下舍人并儒士吏員民人常戴本等頭巾鄉村農夫許  
戴斗笠蒲笠出入市井不禁不親農業者不許

二十三年令耆民儒士生員衣制同文職惟袖長過手

復回不及肘三寸庶民依長去地五寸袖長過手六寸袖樁廣一尺袖口五寸軍人衣長去地七寸袖長過手五寸袖樁廣不過一尺窄不過七寸袖口僅出拳

二十五年令文武官同籍父兄伯叔弟姪子壻及儒士生員吏典知印承差欽天監天文生太醫院醫士瑜珈僧正一道士將軍散騎舍人帶力之人正五馬軍小旗教讀大誥師生許穿靴校尉力士遇上直許穿出外不許其庶民商賈技藝步軍及軍下餘丁管步軍總小旗

官下家人火者阜隸伴當在外醫卜陰陽人皆不許止  
許穿皮札韜其北平山西山東陝西河南并直隸徐州  
地寒人民許穿牛皮直縫靴

二十六年禁官民步卒人等不許服對襟衣惟騎士不  
拘

正德元年禁商販吏典僕役娼優下賤皆不許服用貂  
裘僧道隸卒下賤之人俱不許服用紵絲紗羅綾錦

十六年禁軍民人等如有穿紫花罩甲等服或禁門或

四外遊走者許緝事并地方人等擒拏

萬厯二年禁舉人監生生儒下至民庶奴隸之輩有僭  
戴忠靖金線冠巾穿錦綺鑲履及張傘蓋戴煖耳者聽  
五城御史嚴拏重責枷示仍送問

士庶妻冠服

婢使人等附

洪武三年定 士庶妻首飾許用銀鍍金耳環用金珠  
釧鐲用銀服淺色團衫許用紵絲綾羅紬絹

五年令凡民間婦人禮惟用紫染色絕不用金繡凡婦

人袍衫止用紫綠桃紅及諸淺淡顏色不許用大紅鴉青黃色帶用藍絹布凡女子在室者服飾之制皆作三小髻金釵珠頭髻窄袖襖子凡婢使人等綰高頂髻用絹布挾領長襖長裙小婢使綰雙髻用長袖短衣長裙成化十年令禁官民人等婦女不許僭用渾金衣服寶石首飾

正德元年令軍民婦女不許用銷金衣服帳幔寶石首飾鐲釧及娼妓不許用金首飾銀鐲釧犯者本身家長



夫男匠作各治重罪

教坊司冠巾服

洪武三年定 樂藝冠青卍字頂巾繫紅綠襖襖樂妓  
則帶明角冠阜褙子不許與庶民妻同御前供奉俳長  
皆服鼓吹冠紅羅胸背小袖袍紅絹襖襖阜靴色長皆  
服鼓吹冠紅青綠紵絲彩畫百花袍紅絹襖襖歌工皆  
服弁冠紅羅織金胸背大袖袍紅生絹錦領中單黑角  
束帶紅熟絹錦脚褙阜皮鞋白棉布夾襪樂工服色

與歌工同

凡教坊司官常服冠帶與百官同至御前供奉執粉漆  
笏服黑膝襪頭黑綠羅大袖襖袍黑角偏帶皂靴

又令教坊司伶人常服綠色巾以別士庶之服

又令樂人戴鼓吹冠不用錦絛惟用紅襜褕服色不拘  
紅綠

又令教坊司婦人不許帶冠穿褙子

又令樂工當承應許穿靴出外不許

又令樂人衣服許用明綠桃紅玉色水紅茶褐顏色不得穿用俳優色長樂工俱戴黑頭巾繫雜色絛

凡中宮供奉女樂奉鑾等官妻本色髻髻青羅圓領提調女樂服黑膝唐巾大紅羅銷金花圓領鍍金花帶皐靴歌章女樂服黑膝唐巾大紅羅銷金裙襖子胸帶大紅羅抹額青綠羅衫畫雲肩描金牡丹花皐靴奏樂女樂服色與歌章同

房屋器用等第

國初著令凡官民服色冠帶房屋鞍馬貴賤各有等第上可以兼下下不可以僭上官員任滿致仕與見任同其父祖有官身歿非犯除名不叙子孫許居父祖房舍及衣服車馬有官者依品級其御賜者及軍官軍人服色不在禁例又禁凡服色器皿房屋等項並不許雕刻刺綉古帝王后妃聖賢人物故事及日月龍鳳獅子麒麟犀象等形所以辨上下定民志至今遵守不敢違越其禁制備列於後

凡房屋

洪武二十六年定 官員蓋造房屋并不許歇山轉角  
重簷重拱繪畫藻井其樓房不係重簷之例聽從自便  
公侯前廳七間或五間兩廡九架造中堂七間九架  
後堂七間七架門屋三間五架門用金漆及獸面擺錫  
環家廟三間五架俱用黑板瓦蓋屋脊用花樣瓦獸梁  
棟斗拱簷桶用綠色繪飾窻枋柱用金漆或黑油飾其  
餘廊廡庫廚等從屋房宜從蓋造俱不得過五間七架

一品二品廳堂五間九架屋脊許用瓦獸梁棟斗拱  
簷桶用青碧繪飾門屋三間五架門用綠油及獸面擺  
錫環 三品至五品廳堂五間七架屋脊瓦獸梁棟簷  
桶用青碧繪飾正門三間三架門用黑油擺錫環 六  
品至九品廳堂三間七架梁棟止用土黃刷飾正門一  
間三架黑門鐵環 一品官房舍除正廳外其餘房舍  
許從宜葢造比正屋制度務要減小不許太過其門窻  
戶牖並不許用硃紅油漆庶民所居房舍不過三間五

架不許斗拱及綵色妝飾

又定在京功臣宅舍地勢寬者住宅後許留空地十丈  
左右邊各許留空地五丈若見住舊居所在地勢窄隘  
止仍舊居不許那移軍民以留空地官員之家住宅照  
依前定丈尺不許多留空地過此即便退出令子孫赴  
官告給園地另於城外量撥功臣之家不許于住宅前  
後左右多占地丈蓋造亭館或開掘池塘以為遊翫公  
侯内外文武四品以上官不得令子孫家人于市肆開

張鋪店生放錢債及出外行商中鹽興販物貨

三十五年申明軍民房屋不許蓋造九五間數一品二品廳堂各七間六品至九品廳堂棟梁止用粉青刷飾庶民所居屋從屋雖十所二十所隨聽宜蓋但不得過三間

正統十二年令庶民房屋架多而間少者不在禁限

凡車輿

洪武元年定並不得雕飾龍鳳紋職官一品至三品



許用間金妝飾銀螭繡帶青幔四品五品素獅子頭繡帶青幔六品至九品用素雲頭素帶青幔轎子比同車製庶民居用黑油齊頭平頂阜幔轎子比同車製並不許用雲頭

六年令凡車舟坐轎除紅漆外許雜色漆飾五品以上車同青幔餘並不許其坐轎止許婦人及官民老疾者乘之

景泰四年令在京三品以上許乘轎其餘不許違例在

外各衙門俱不許乘轎

弘治七年申明兩京及在外文武官員除奉有旨及文武例應乘轎者止許四人扛擡其兩京五府管事并內外鎮守守備等項公侯伯都督等官不分老少皆不許乘轎違例乘轎及擅用八人者指實奏聞

萬厯三年奏准武職衙門及勲戚等官俱不許僭用四人帷轎與肩輿及擅用交床上馬違者聽科道官及巡視衙門參奏重處指揮以下京衛調外衛調邊衛俱帶

俸差操

凡傘蓋

洪武元年令庶民並不許用羅絹涼傘許用油紙雨傘  
三年令京城內一品二品許用傘蓋其餘止許用雨傘  
京城外聽用之十六年令尚書侍郎左右都御史通政  
使太常卿應天府尹國子監祭酒翰林等學士許張傘  
蓋

二十六年定 一品二品銀浮屠頂茶褐羅表紅絹裏

三簷三品四品用紅浮屠頂茶褐羅表紅絹裏三簷以上傘蓋俱用黑色茶褐兩傘俱用紅油絹五品用紅浮屠頂青羅表紅絹裏兩簷雨傘同四品六品至九品用紅浮屠頂青絹表紅絹裏兩簷雨傘俱用油紙

三十五年申明官員傘蓋不許用金繡硃紅妝飾公侯駙馬伯與一品二品同

成化九年令兩京官員油傘遇雨任用其涼傘京城內不許張設若出郊在外不拘此限

凡鞍轡

洪武元年令庶民不得描金惟用銅鐵妝飾

二十六年定公侯一品二品用銀減鐵事件鞬用描銀三品至五品用銀減鐵事件鞬用油畫六品至九品用擺錫鐵事件鞬用油畫

三十五年申明官民人等鞍轡馬領下纓并鞵轡俱用黑色不許用紅纓及描金嵌金天青硃紅妝軍民用鐵事件黑綠油鞬

凡帳幔

洪武元年令並不許用赭黃龍鳳文職官一品至三品  
許用金花刺繡紗羅四品五品刺繡紗羅六品以下許  
用素羅庶民用紗絹

三年令職官一品至五品帳幔許用綾羅紗被褥用紵  
絲錦繡六品至九品帳幔許用紗絹被褥用綾羅紵絹  
庶民用紵絹布

凡器皿

洪武二十六年定 公侯一品二品酒注酒盞用金餘  
用銀三品至五品酒注用銀酒盞用金六品至九品酒  
注酒盞俱用銀餘皆用磁漆木器並不許用硃紅及抹  
金描金雕琢龍鳳文庶民酒注用錫酒盞用銀餘磁漆  
又令官員牀面屏風榻子並用雜色漆飾不許雕刻  
龍鳳文並金飾硃漆 又令軍官軍士應用弓矢止是  
黑漆弓袋箭囊並不許用硃漆描金妝飾

三十五年申明官民人等不許僭用金酒爵其椅桌木

器之類亦不許用硃紅金飾

正德十六年奏准職官一品二品器皿不許用玉止許用金以為定例其商賈技藝之家器皿不許用銀與庶民同官吏人等不許僭用金酒爵其椅桌木器之類並不許用硃紅金飾

凡寺觀菴院

洪武三年令除殿宇梁棟門窻神座案桌許用紅色其餘僧道自居房舍並不許起造斗拱彩畫梁棟及僭用



紅色什物牀榻椅子

六年令凡各處僧道寺觀金彩妝飾神佛龍鳳等像除  
舊有外不許再造

天順八年詔京城內外寺觀今後不許增修請額

禮部志稿卷十八

欽定四庫全書

禮部志稿卷十九

明 俞汝楫 編

儀制司職掌

冠禮

按冠禮天子止一加用衮冕太尉設纚太師受冕太子皇孫年十二或十五始冠天子自為主擇三公太常為賓贊凡三品冠一祝醴成化間始定祝詞醮詞

勅戒詞其諸王冠祝醺詞皆洪武間定下及官民莫不有禮備列於後

皇帝冠禮

洪武三年定 前期太史院奉制筮日工部製冕服翰林院撰祝文祝辭或用古辭或臨時修撰禮部備儀注中書省承制命某官攝太師某官攝太尉既筮日遣某官奏告天地宗廟行一獻禮訖告示文武百官於皇城守宿侵晨具朝服行禮前一日內使監令陳御冠席於

奉天殿正中設冕服案於御冠席之南香案又於冕服案南尚寶卿設寶案於香案之南侍儀司設太師太尉起居位於文樓之南西向設文官起居位於太師太尉起居位之後設武官起居位於武樓之南設太師太尉拜位於丹墀內道稍西北向東上設太師太尉侍立位於殿上御席之西東向設盥洗位於丹陛西陛之下東向內贊二人位於殿上南楹之左右東西相向設文官拜位於丹墀內道之東每等異位重行北面西上設武

官拜位於丹墀內道之西每等異位重行北面東上設使客位於文官拜位之東北面西上設殿前班諸執事起居位於武官起居位之北東向設侍從班諸執事起居位於文官起居位之北西向設宿衛鎮撫二人位於東西陛下東西相向護衛百戶二十四人位於宿衛鎮撫之南稍後東西相向典牧所官二人位於乘馬之前東西相向知班二人位於文武官拜位之北東西相向通贊典禮二人位於知班之北東西相向通贊在西贊

禮在東引太師太尉二人位於太師之北西立東向引  
文武班四人位於文武官拜位之北稍後東西相向引  
殿前班二人位於引武班之南引使者二人位於引文  
班之南設殿前班指揮司官三員侍立位於丹陛上之  
西東向光祿寺官三員位於丹陛上之東西向拱衛司  
官位於殿門之左右東西相向文官侍從班起居注給  
事中殿中侍御史尚寶卿位於殿上之東西向武官侍  
從班懸刀指揮位於殿上之西東向護位千戶八人位

於殿東西門之左右東西相向典儀二人位於丹陛上之南東西相向鳴鞭四人位於丹陛上北向將軍二人位於殿上簾前之左右將軍六人位於殿門之左右將軍四人位於丹陛上之四隅將軍六人位於奉天門之左右東西相向是日侵晨金吾衛陳設甲士於午門外之東西陳五輅於丹墀之南北向典牧所陳仗馬於文武樓之南東西相向陳虎豹於奉天門外東西相向協律郎陳樂於丹墀文武官之南鼓初嚴催班舍人催文



武百官具朝服鼓次嚴引班引文武各官依品從齊班於午門外以北為上東西相向通班贊禮知班典儀內贊宿衛鎮撫鳴鞭殿內將軍殿外將軍俱入就位引班引殿前班指揮光祿卿各依品從序立於起居位東西相向諸侍衛官俱各服其器服及尚寶卿侍從官入詣謹身殿候迎鼓三嚴引班引文武官以序入就起居位引使客立於文班之後侍儀版奏外辦御用監令奏請皇帝服空頂幘雙童髻雙王尊絳紗袍御輿出侍御尊

從警蹕如常儀皇帝將出仗動和聲卽作樂太常博士  
引導至奉天殿卽御位樂止捲簾鳴鞭雞唱報時訖拱  
御司官繇殿西門出降西階引班引入起居位通班唱  
各供事殿前班侍從班及諸執事各就本位引禮引太  
師太尉先入就拜位引班引文武官俱入就丹墀拜位  
知班唱班齊典儀唱拜贊禮唱鞠躬樂作四拜興平身  
樂止引禮引太師先詣盥洗位西向立引禮唱搯笏盥  
手太師搯笏盥手引禮唱悅手司巾以巾進太師悅手

訖引禮唱出笏太師出笏引禮引太師繇西陞陞引禮  
退就本位太師至殿西門內贊接引至御席西東向立  
引禮復引太尉詣盥洗位西向立引禮贊搢笏盥手太  
尉搢笏盥手引禮贊帨手司巾者以巾進太尉帨手引  
禮贊出笏太尉出笏引禮引太尉繇西陞陞引禮退復  
位太尉至殿西門內贊接引入立於太師之南侍儀跪  
奏請加元服退復位太尉進就皇帝席前少右跪搢笏  
脫空頂幘以授內使內使跪受幘興置於櫛箱櫛畢設

纚出笏興退立於西太師進至御前北向立內使監令就案取冕立於太師之左太師祝曰令月吉日始加元服壽考維祺以介景福內使監令捧冕跪授太師太師搢笏跪受冕加冠加簪纓訖出笏興退立於西內使監令徹櫛纚箱御用監令跪奏請皇帝著袞服皇帝興著袞服訖侍儀跪奏請就御座內贊贊進醴樂作太師進就御座前北面立光祿卿奉酒進授太師太師搢笏受酒至御前北面祝曰甘醴維厚嘉薦令芳承天之休壽

考不忘祝訖跪授內使內使跪受酒捧進皇帝皇帝受  
酒祭少許啐酒訖以虛盞授內使樂止內使受盞降授  
太師太師受盞興以授光祿卿光祿卿受盞退太師出  
笏退復位內贊引太師太尉出殿西門樂作降自西階  
引禮接引就丹墀拜位立定樂止引禮退復位典儀唱  
拜贊禮唱鞠躬四拜興平身樂止贊禮唱搢笏鞠躬三  
舞蹈贊跪唱山呼百官拱手加額曰萬歲唱山呼曰萬  
歲唱再山呼曰萬萬歲典儀唱出笏俯伏興樂作四拜

興平身樂止典儀唱禮畢侍儀奏禮畢皇帝興樂作警蹕侍從導入宮樂止引禮引太師太尉及文武百官以次出皇帝改服通天冠絳紗袍入宮拜謁太后如正旦儀擇日謁太廟其儀與時祭同見廟之明日百官具公服稱賀畢賜宴於謹身殿並如正旦冬至朝會儀

皇太子冠禮

洪武元年定 前期太史監承制筮日工部製袞冕遠遊冠折土巾服翰林院撰祝文祝辭禮部備儀注中書

省承制命某官為賓某官為贊既筮日遣官奏告天地  
宗廟禮部告示文武百官於皇城守宿至期之前一日  
內使監令陳御座香案於奉天殿中侍儀司設皇太子  
次於殿之東房賓贊次於午門外皇太子拜位於丹陛  
上正中賓贊受制位於皇太子拜位之西北東向承制  
官位於御座之東西向宣制官位於皇太子位之東北  
西向賓贊拜位於內道之東北面西上餘陳設如朝會  
儀至日清晨執事官設壘洗於東階東南壘在洗東筐

在洗西內使監官設皇太子冠席於殿上東南西向醴  
席於西階上南向張帷幄於東序內設褥席於帷中又  
張帷於序外御用監陳服於帷內東領北上袞服九章  
遠遊冠絳紗袍折上巾絳紗袍緇纚座簪二物同箱在  
服南櫛實於箱又在南司尊實醴於側尊皆勺畢設醴  
於席之南設坫於尊東置二爵於坫進饌者實饌設於  
尊北諸執事者皆立於其所冕九旒遠遊冠十八梁折  
上巾冠冕各一箱盛執事者又執其物立於階之西東



面北土鼓初嚴文武百官具朝服次嚴護衛等各就位  
東宮官導從皇太子至殿門贊禮同太常博士引詣奉  
天殿東房侍衛官入詣謹身殿奉迎三嚴文武百官入  
就位皇帝服通天冠絳紗袍御輿以出樂作陞座樂止  
捲簾鳴鞭報曉訖賓贊就位樂作四拜樂止侍儀司跪  
承制降自東階詣賓前稍東西向稱有勅賓贊跪侍儀  
宣制曰皇太子冠命卿等行禮宣訖贊皆四拜文武侍  
從班俱就殿內位賓贊及應行禮官詣東階下位東宮

官大常博士詣殿前東房引皇太子入就冠席樂作皇太子即席樂止賓贊詣壘洗樂作搯笏盥訖出笏樂止陞自西階執事上捧折上巾進賓降一等受之右執項左執前進皇太子席前北面祝祝辭皆隨時撰述祝畢跪冠樂作興席南北面立贊冠者進席前跪正冠興立於賓後內使跪進服服訖樂止賓揖皇太子復坐賓贊降詣壘洗如前儀贊冠者進跪脫折上巾置於箱興以授內使內使跪受置於席執事者捧遠遊冠進賓降二

等受之樂作進冠如前儀贊冠者進跪簪結紘內使進服樂止賓揖皇太子復坐詣壘洗脫冠俱如前儀執事者捧袞冕進賓降三等受之進冠亦如前儀畢太常博士引皇太子下降自東階樂作繇西陞陞即醴席南向坐樂止賓詣壘洗樂作盥帨陞自西階樂止贊冠取爵詣司尊前酌醴授賓跪進爵於皇太子席前祝云祝畢皇太子搢圭跪受爵樂作飲訖奠爵執圭進饌者捧饌設於皇太子席前皇太子搢圭食訖樂止執圭執事

官徹爵與饌太常博士引皇太子降自西階殿東房易朝服詣丹墀拜位樂作東宮官各就拜位樂止賓贊詣皇太子位稍東西向賓少進字之辭曰奉勅字某太常博士啓皇太子再拜跪聽宣勅畢復再拜興進前跪奏曰臣不敏敢不祇奉奏畢復位侍立官並降殿復位在位官皆四拜禮畢皇帝興樂作還宮樂止內給事導皇太子入內朝見皇后如朝正旦儀百官以次出明日謁廟如時享禮陪祭官先赴廟庭皇太子服圭冕執圭太

常博士前導繇南門入至拜位皇太子及陪祭官皆再拜興皇太子陞殿詣神位前三上香復位及陪祭官皆再拜畢皇太子還宮明日百官具朝服詣奉天殿稱賀退易公服詣東宮稱賀賜宴

成化十四年續定 前期二日各執事官先于禮部習儀次日赴文華殿習儀前期一日遣官具特牲告廟行一獻禮錦衣衛設幕次于文華殿之東序鴻臚寺設節案于殿內之北正中設香案于節案之南設冠席於殿

內之東南向設醴席于西上南向內使張帷幄于東序  
內設座椅几案裊褥于幄中又張帷于序外陳袍服皮  
弁服衮服圭帶舄等物各以箱盛置于帷中案上具翼  
善冠皮弁九旒冕各用盤盛以紅袂覆之置于東階之  
南案上光祿寺設盥洗所于東階冠案之南稍東設司  
尊所于醴席之西南司尊者實醴于側尊加勺畢設拈  
于尊東置二爵于拈進饌者實饌設于尊北諸執事者  
皆立于其所教坊司設樂是日早上具皮弁服御華蓋

殿鴻臚寺奏請陞殿傳制遣官文武百官各具朝服侍班如常儀制詞曰朕皇太子某冠命卿等持節行禮節將至禮部官詣東序啓皇太子迎節樂作禮部官導皇太子出迎于殿門外持節官捧節入置于案退立于節案之東樂止禮部等官導皇太子詣香案前樂作行四拜禮畢樂止持節官同賓贊并宣勅戒等官序立于東南盥洗之次禮部官啓皇太子就冠席樂作禮部等官導皇太子詣冠席內侍二人夾侍皇太子即席西南向

坐樂止鴻臚寺鳴贊贊行初加冠禮樂作引禮序班引  
賓贊皆詣盥洗所賓贊皆搢笏以次盥手訖出笏樂止  
鳴贊二人稍南東西向立賓贊官陞自東階稍西向立  
內侍揭蓋祇樂作以盤捧翼善冠陞賓降階一等受之  
樂止賓右手執冠後左手執冠前進皇太子席前北面  
立祝曰吉月令辰乃加元服懋敬是承永介景福樂作  
賓跪進冠興復位贊者跪正冠興立于賓後樂止禮部  
官啓易服皇太子入帷幄易新袍服出禮部官啓復坐



鳴贊贊行再加冠禮樂作內侍揭蓋袱以盤捧皮弁陞  
賓降階二等受之樂止賓右手執皮弁後左手執皮弁  
前進如前儀祝曰冠禮申舉以成令德敬慎威儀維民  
之式樂作內侍釋翼善冠賓跪進皮弁興復位贊者跪  
正皮弁興立于賓後樂止禮部啟易服皇太子入帷幄  
易皮弁服舄出禮部啟復坐鳴贊贊行三加冠禮樂作  
內侍揭蓋袱以盤捧冕旒陞賓降階三等受之樂止進  
如前儀祝曰章服咸加飭敬有虔永固皇圖于千萬年

樂作內侍釋皮弁冠賓跪進冕旒興復位贊者跪簪結  
紘興立于賓後樂止禮部官啟易服皇太子入帷幄易  
袞服出禮部官啟復坐鳴贊贊行酌禮禮部官啟皇太  
子詣醴席樂作禮部等官引皇太子降自東階繇西階  
陞即醴席南向坐樂止光祿寺官舉醴桌樂作引禮序  
班引賓贊詣盥洗所賓贊搢笏盥手訖出笏陞西階贊  
者取爵詣司尊所酌醴授賓賓執爵詣席前立樂止祝  
曰旨酒孔馨嘉薦載芳受天之福萬世其昌畢賓跪進

爵鳴贊贊皇太子搢圭受爵置于案教坊司啟樂奏喜  
千春之曲次啟進酒皇太子舉爵飲訖奠爵于案樂止  
光祿寺官進饌樂作饌至案樂止饌訖贊出圭徹桌賓  
贊復位鳴贊贊受勅戒禮部官啟請皇太子詣受勅戒  
位禮部等官引皇太子降自西階繇東階詣拜位樂作  
引禮序班引宣勅戒官詣皇太子拜位稍東西向立樂  
止稱有制鳴贊贊跪皇太子跪宣勅戒曰孝事君親友  
于兄弟親賢愛民居仁由義毋怠毋驕茂隆萬世樂作

贊俯伏興平身樂止禮部官捧節出樂作禮部等官引  
皇太子送節至殿門外引還東序內侍引還宮持節及  
賓贊宣勅戒等官復命當日皇太子具冕服謁祭奉先  
殿用樂行禮如常儀畢詣太皇太后前謝詣皇太后前  
謝詣上位前謝詣皇后前謝俱行五拜三叩頭禮俱用  
樂次日早上位具皮弁服御華蓋殿鴻臚寺奏請陞殿  
文武百官具服稱賀詞曰皇太子冠禮既成禮當慶賀  
行五拜三叩頭禮畢就詣文華殿行賀皇太子禮錦衣

衛陳設儀仗如常儀弘治八年以後同增謁祭奉慈殿  
用樂行禮如常儀

嘉靖二十八年定皇太子冠以孝烈皇后几筵未徹先  
是遣內命婦告几筵如告廟之禮既冠謁祭几筵行禮  
如奉先殿但不用樂謁見所生皇妃行四拜禮亦不用  
樂冠之日原遣告廟官及內閣詹事府坊局官儀制司  
官俱入侍班錦衣衛掌印官入侍衛餘同前儀

### 皇太孫冠禮

按永樂八年命皇孫監國稱皇長孫及行冠禮始稱  
皇太孫云

永樂九年定 前期二日各執事官于禮部習儀次日  
赴華蓋殿習儀前期錦衣衛設幕次于華蓋殿之東序  
鴻臚寺設掌贊宣勅戒等官位于殿內道之東北向西  
上設應行禮官属位于內道東西上設護位武官位于  
內道之西東上設諸執事起居位于武官位之東北向  
設通贊典禮二人位于殿內東西相向內侍設皇太孫

冠席于殿內東南西向設醴席于西上南向張帷幄于東序內陳設褥于幄中又張帷于序外內侍陳服于帷內東領北上袞服九章翼善冠絳紗袍緇纒網巾犀簪三物同箱在服南櫛實于箱又在南司尊實醴于例尊加勺俎設于醴席之南設坫于尊東置二爵于坫進饌者實饌設于尊北諸執事者皆立於其所冕九旒翼善冠緇纒網巾各日箱盛是日早上御奉天殿傳制遣官制詞曰朕皇太孫某冠命卿等持節行禮傳制畢掌

冠官持節至華蓋殿行禮候節至禮部鴻臚寺等官詣  
東序啟皇太孫出迎殿門外贊禮導皇太孫迎節至殿  
置于中設香案樂作贊禮贊皇太孫行四拜禮畢禮部  
等官啟皇太孫詣冠席內侍二人夾侍皇太孫即席正  
南向樂止引禮引賓贊以次詣盥洗樂作搯笏盥手帨  
手訖出笏樂止陞自西階執緇纚及網巾者陞掌官降  
一等受之進皇太孫席前北面立祝

祝詞與  
東宮同

畢供奉官

束髮掌冠跪加網巾樂作賓興席南北面立贊冠者北



面跪正之興立于掌官後內侍跪進服訖樂止掌官啓  
皇太孫復坐執翼善冠者陞掌冠降二等受之右執項  
左執前進皇太孫席前北面立祝

詞亦與東宮同

畢乃跪冠樂

作掌冠興席南北面立贊冠進席前面北跪正冠興立  
于掌冠後皇太孫興內使進絳紗袍服訖樂止掌冠啓  
皇太孫復坐贊冠進席前北面跪脫翼善冠置于箱興  
內侍跪脫服亦置于席執袞冕者陞賓降二等受之右  
執項左執前進皇太孫席前北面立祝

詞亦與東宮同

畢乃跪

冠樂作掌冠興席南北向立贊冠者進席前北面跪簪  
結紘興立于掌冠後內侍跪進袞服訖樂止禮部等官  
引皇太孫降自東階樂作繇西階陞即醴席南向坐樂  
止引禮引掌冠詣壘洗樂作搯笏盥手訖出笏陞西階  
樂止贊冠者取爵詣司尊所酌醴授掌冠掌冠受爵跪  
進于皇太孫席前北面祝

詞亦與  
東宮同

畢皇太孫搯圭受爵

樂奏喜千春之曲飲訖奠爵進饌者捧饌設于皇太孫  
席前皇太孫饌訖出圭執事徹饌樂止禮部等官啟請

引皇太孫降自西階詣拜位樂作就位引禮引宣勅戒

官詣皇太孫位稍東西向稱有制贊皇太孫跪樂止聽

宣勅戒詞

詞亦與東宮同

樂作贊俯伏興四拜興平身樂止禮

部官啓禮畢贊禮畢掌冠官持節出樂作禮部等官引

皇太孫送節至殿門外引還東序內侍引還宮掌冠等

官復命皇太孫當日謁廟畢就詣上位前謝及東宮前

謝次日文武百官具朝服稱賀詞曰皇太孫冠禮既成

禮當慶賀次詣文華殿稱賀次詣皇太孫前行賀禮

親王冠禮

洪武二十六年定 前期三日各執事官于禮部習儀  
至日傳制遣官持節行禮前期儀衛司先設王邸在東  
序張帷幄設褥于序中又張帷于序外儀禮司設掌  
贊宣勅戒等官序立位于王邸東稍西向具九旒冕翼  
善冠絳紗袍等服并網巾金簪二物各以箱盛候持節  
者至禮部儀禮司等官啓王出迎門外贊禮導王行節  
入王邸至中庭樂作贊王詣香案前四拜畢禮部等官

啓就冠席西南向內侍二人夾侍樂止引禮引賓贊以次詣壘洗樂作搯笏盥手樂止通贊典儀二人露臺東西向冠席在東序南西向醴席在西南向行禮之時諸執事官陞自東階稍西向掌冠者執網巾陞賓降一等受之進王席前稍北面立祝曰惟茲吉日冠以成人克敦克友福祿來臻畢供奉官束髮掌冠跪進網巾樂作贊冠者跪正之興立掌冠後內侍跪進服訖樂止掌冠啓王復坐執翼善冠陞賓降二等受之右手執冠後左

手執冠前進如前儀祝曰冠禮斯舉實繇成德敬慎威儀惟民之則畢跪進冠興樂作掌冠啟復坐贊冠進跪脫翼善冠興內使跪脫袍服執袞冕者陞賓降三等受之進如前儀祝曰冠至三加命服用章敬神事上永固藩邦跪進服興樂作贊冠跪簪結紘興立掌冠後王興內侍跪進袞服訖樂止禮部官引王降自東階樂作繇西階陞醴席南向坐樂止引禮引掌冠詣壘洗樂作搯笏盥手訖陞西階樂止贊冠者取爵詣司尊所酌醴授

賓賓跪進席前北面祝曰旨酒嘉薦載芬載芳受茲景  
福百世其昌畢王搢圭受爵樂奏喜千春之曲飲訖莫  
爵進饌饌訖出圭樂止引禮啓王降自西階詣東序易  
服訖請王詣拜位樂作引禮引宣勅戒官至中庭西向  
立稱有制王跪樂止宣勅戒曰孝于君親友于兄弟親  
賢愛民率繇禮義毋溢毋驕永保富貴樂作俯伏興四  
拜興樂止禮部官啓禮畢樂作引王還樂止掌冠等官  
復命王是日謁廟畢就詣父皇及東宮前謝次日百官

稱賀畢詣王府行叩頭禮

成化二十三年更定 前期各執事官于奉天門前東廡習儀三日鴻臚寺設三冠所於奉天門前東廡左順門之北設節案香案各一于廡內之北正中設冠席于東階之上西向設醴席于西階之上東向光祿寺設司尊所一于東階之下稍南設盥洗所一于司尊所之南內侍設帷幄于香案之東冠席之後稍北俱西向帷中設坐椅几案各一別設案于東階之南司尊所之北具



翼善冠及弁九旒冕皆以盤盛紅袂覆之置于案具袍服皮弁服袞服圭帶舄等物皆以箱盛置于幄中案上教坊司設樂于南是日早皇上預告奉先殿畢具皮弁服御華蓋殿鴻臚寺奏請陞殿傳制遣官持節行禮文武百官各具朝服侍班如常儀至期內侍導王先于帷幄中坐候持節將至禮部官啓王迎節樂作禮部官同鴻臚寺卿導王出階下節至持節官捧節入置于北正中案上樂止王隨節入持節官立于節案之東賓及宣

勅戒宣祝等官序立于東南盥洗所之次禮部官鴻臚寺卿導王詣香案前立樂作行四拜禮畢樂止禮部官啓王就冠席樂作禮部官同鴻臚寺卿導王詣冠席坐樂止內侍二人侍立于王左右鴻臚寺鳴贊贊行初加冠禮樂作引禮序班引賓詣盥洗所搯笏盥手訖樂止鳴贊二員稍南北向立賓陞自東階稍西向樂作內侍揭蓋袂以盤捧翼善冠陞賓降一等受之樂止賓右手執冠後左手執冠前詣王席前稍東面立贊宣祝宣祝

官祝曰

祝詞與洪武年同

祝訖樂作賓跪進冠訖興復位樂止

禮部官啓易服王入帷幄易新袍服出禮部官啓復坐

鳴贊贊行再加冠禮樂作內侍揭蓋袂以盤捧皮弁陞

賓降二等受之樂止賓以右手執弁後左手執弁前如

前儀贊宣祝宣祝官祝曰

詞與前同

祝訖樂作內侍釋翼善

冠賓跪進皮弁訖興復位樂止禮部官啓易服王入帷

幄易皮弁服烏出禮部官啓復坐鳴贊贊行三加冠禮

樂作內侍揭蓋袂以盤捧冕旒陞賓降三等受之樂止

進如前儀贊宣祝宣祝官祝曰

詞與前同

祝訖樂作內侍釋

皮弁賓跪進冕旒訖興復位樂止禮部官啓易服王入帷幄易裘服出禮部官啓復坐鳴贊贊行醕禮禮部官啓王詣醴席樂作禮部官同鴻臚寺卿引王降自東階由西階陞醴席東向坐樂止光祿寺官舉醴桌置于前樂作引禮序班引賓詣盥洗所搯笏盥手訖取爵詣司尊所酌醴由西階陞詣席前立樂止贊宣祝宣祝官祝曰

詞與前同

祝訖賓跪進爵鳴贊贊王搯圭受爵置于案教

坊司啓樂奏喜千春之曲次啓進酒王舉爵飲訖奠爵  
于案賓興樂止光祿寺官進饌大樂作饌至案樂止饌  
訖贊出圭徹桌賓復位鳴贊贊受勅戒禮部官啓王詣  
受勅戒位禮部官鴻臚寺卿引王降自西階繇東階詣  
拜位立樂作引禮序班引宣勅戒官至庭中西向立樂  
止稱有制鳴贊贊王跪宣勅戒

詞與  
前同

樂作王俯伏興四

拜興樂止鴻臚寺卿啓禮畢持節官捧節出王送出門  
外節行至階下內侍引王還帷中釋袞冕具翼善冠服

回宮持節及賓贊宣勅戒等官復命是日王具冕服謁  
祭奉先殿用樂行禮如常儀仍具冕服謁見皇太后畢  
謁見皇上皇后俱行五拜三叩頭禮次謁皇妃東宮及  
妃各行四拜禮皆用樂次日早皇上常服陞金臺百官  
常服稱賀致詞云皇子某王冠禮已成禮當稱賀行五  
拜三叩頭禮畢是日朝罷司禮監請王具常服詣奉天  
門前東廡坐百官常服行四拜禮

嘉靖二十八年裕王景王冠禮萬曆五年潞王冠禮儀

俱同但賓自致祝不用宣祝官百官稱賀俱吉服

品官冠禮

洪武三年定 前期擇日主者告于家廟無廟則告于  
祠堂北面再拜告云某之子某年漸長成將以某月某  
日加冠于其首謹以告乃筮賓主者北面再拜告云卜  
以某甲子吉冠某速某賓加冠庶幾臨之謹告前二日  
主者戒賓及贊冠者主者至賓大門外掌次者引之次  
賓者受主者之命入告賓曰某之子某將加冠願吾子

教之賓曰某不敏恐不能供事以辱吾子敢辭主者曰  
某猶願吾子教之賓曰吾子重有命某敢不從主者再  
拜賓荅拜主者還賓拜送主者戒贊冠者亦如之

亦通使子

弟戒前一日掌事者設次于大門外之右南向其日夙

興掌事者設洗于堂阼階東南東西當東雷

六品以下當東雷

南北以當深壘水在洗東加勺罍篚在洗西南肆實巾  
一于篚加罍席于東房內西牖下無房者張帷為之陳  
服于席東領北上莞筵四加藻席四在南側尊甒醴在



服北加勺罍設坫四品以下設篚無坫在尊北饌陳于  
坫北設洗于東房迎北罍水在洗西篚在洗西北肆實  
以巾質明賓贊至于主者大門外掌次者引之次賓贊  
公服諸行事者各服其服無公服者服常服執尊罍篚  
者皆就位其冠各一箱各一人執之侍於西階之東東  
面北上設主者之席于阼階上西南賓席于西階東面  
冠者席于主者東北西面主者公服立于阼階下當東  
序西面諸親公服非公服者常服立于罍洗東南西面

北上

尊者在別室

賓者公服立于門內道東北面將冠者

雙童

髻空頂幘雙玉導金寶飾采擗褶錦紳烏皮履六品以下導不以玉

立于房內南面主者

贊冠者公服立于房內戶東西面賓及贊冠出次立于

門西贊冠者少退俱東面北上賓者進于主者之左北

面受命出立門東西面曰敢請事實曰某子有嘉禮命

某執事賓者入告主者迎賓于大門外之東西面再拜

賓答拜

凡主賓拜揖皆贊禮者相導

主者揖贊冠者贊冠者報揖主

者又揖賓賓報揖主者入賓及贊冠者次入及內門行

至階主者立于階東西面賓贊立于階西東面主者請  
陞賓曰某備將事敢辭主者固請賓固辭主者終請賓  
三辭主者陞自阼階立于席東西向賓陞自西階立于  
席西東向贊冠者及庭盥于洗陞自西階入于東房立  
于主者贊冠者之南俱西面主者贊冠者引將冠者立  
于房外之西南面賓之贊冠者取纚櫛簪跪奠于冠者  
筵南端席北稍東西面立賓揖將冠者賓主俱即坐席  
將冠者進陞席西南坐賓之贊冠者進筵前東面跪脫

雙童髻置于箱櫛畢設繩興復位立賓主俱興賓降坐  
壘洗盥手訖詣西階主者立于席後西面賓立于西階  
上東面執緇布冠者陞授賓賓降一等受之右執項左  
執前進將冠者筵前東向立祝曰令月吉日始加元服  
棄爾幼志慎爾成德壽考維祺介爾景福乃跪冠興復  
西階上席復東面立賓之贊冠者進筵前東面跪結纓  
興復位冠者興賓揖冠者冠者適房賓主俱坐冠者  
衣素裳出房戶西南面立賓主俱興賓揖冠者冠者進  
之服

著青

陞席西向坐賓之贊冠者跪脫緇布冠置于箱櫛畢設纚興復位執進賢冠者陞賓降二等受之右執項左執前進冠者筵前東向立祝曰吉月令辰乃申爾服恭爾威儀淑慎爾德眉壽萬年永受遐福乃跪冠興復位賓之贊冠者跪設簪結纓興復位冠者興賓揖冠者冠者適房賓主俱坐冠者著絳紗服出自房戶西南面立賓主俱興賓揖冠者冠者進陞席西向坐賓之贊冠者跪脫進賢冠置于箱櫛畢設纚興復位執爵弁者陞賓降三等

受之右執項左執前進冠者筵前東向立祝曰以歲之  
正以月之令咸加爾服兄弟具在以成厥德黃耆無疆  
受天之慶乃跪冠興復位賓之贊冠者跪設簪結纓興  
復位冠者興賓揖冠者適房賓主俱坐主者贊冠者徹  
纓擲簪箱及筵入于房又設筵于室戶西南向冠者著  
爵弁之服出房戶西南面立賓主俱興主者贊冠者盥  
手洗解于房酌醴出房南面立賓揖冠者冠者就筵西  
南面立賓進受醴進冠者筵前北面立祝曰甘醴維厚

嘉薦芬芳拜受祭之以定爾祥承天之休壽考不忘冠者筵西拜受觶賓復西階上東西荅拜執饌者奉饌薦于冠者筵前冠者左執觶右取脯祭于籩豆之間贊冠者取腍一以授冠者冠者奠觶于薦西以祭冠者坐取解祭醴奠觶再拜執觶興賓荅拜賓主俱坐冠者陞筵跪奠觶于薦東興進北面跪取脯降自西階入見母進奠脯于席前退再拜以出冠者母不在則使人受脯于西階下初冠者入見母賓主俱興賓降當西序東面立

主者降當東序西面立冠者既見毋出立于西階東南面賓少進字之曰禮儀既備令月吉日昭告爾字字孔嘉髦士攸宜宜之于嘏永受保之曰伯某甫冠者曰某雖不敏夙夜祇承賓出主者送于內門外主者西向請賓曰吾子辱執事詣禮從者賓曰某得將事敢辭主者固請賓曰某既不得命敢不從賓就次主者入初賓出冠者東面見諸親諸親拜之冠者答拜冠者西面拜賓之贊冠者賓之贊冠者答拜訖見諸尊于別室賓主



既釋服改席訖賓興衆賓俱出次立于門西東面主者  
出門東西面主者揖賓賓報揖主者先入賓及衆賓從  
之至階賓立于西階上贊冠者在北少退俱東面主者  
立于東階上西面衆賓降立于西階下東面掌事者以  
幣篚陞受主者主者授幣篚于賓賓受之又以幣篚授  
贊冠者贊冠者受之俱復位主者還阼階上北面拜送  
賓贊降自西階主者送賓于大門外之東西面再拜賓  
出主者入孤子則諸父諸兄戒賓冠之日主者紛而迎

賓拜揖讓如冠主冠于阼階之下禮賓拜送皆如上儀  
明日見廟冠者朝服質明贊禮者引入廟南門中庭道  
西北向贊再拜訖引出

士庶冠禮

洪武三年定 凡男子年十五至二十皆可冠將冠筮  
日筮賓于祠堂戒賓俱同品官儀是日夙興張帷為房  
于廳事之東賓主人執事者皆盛服設盥于阼階下東  
南陳服于房中西牖下東向北上席二在南酒壺在服

北次盞注置于桌幙頭帽巾各盛以盤蒙以巾帕執事者三人捧之立于堂下西階之西南向東上主人立于阼階下子弟親戚立于盥東賓者立于門外以俟賓將冠者雙紒袍勒帛素履待于房中賓至主人出迎揖而入坐定將冠者出于房報事者請行事賓之贊者取櫛總篋幘頭置于席南端賓揖將冠者將冠者即席西向坐賓之贊者為櫛合紒施總加幘頭賓主皆降主人立于阼階下賓盥訖主人揖讓陞自西階皆復位執事者

以巾進賓降西階一等受之詣冠者席前東向祝

云

云

跪為著巾興復位冠者興賓揖冠者適房易服服深衣

大帶出房即冠席賓盥訖降二等受帽進祝贊者徹巾

賓跪冠興復位冠者興賓揖冠者入房易服服襴衫腰

帶出房即冠席賓盥訖降三等受幘頭進祝

三祝皆同  
品官詞

贊者徹帽加幘頭復位冠者興賓揖冠者適房易公服

出房執事者徹冠席入帷中更設醴席于西階南向贊

者酌醴出房立于冠者之南賓揖冠者即醴席西向立

賓受醴詣席前北面

祝同品  
官詞

冠者于席西拜受賓答拜

執事者薦饌冠者即席坐飲食訖再拜賓答拜冠者離

席立于西階之東南向

賓字同  
品官詞

冠者拜賓答拜冠者拜

父母父母為之起拜諸父之尊者遂出見鄉先生及父

之執友先生執友皆答拜訖賓退主人請禮賓賓辭固

請許諾乃入設酒饌延賓及僮贊者賓退主人酬賓贊

侑以幣乃拜謝禮畢主人以冠者見祠堂告曰某之子

某冠畢敢見冠者北面焚香再拜出

禮部志稿卷十九